

This document is available in English

Adroddiad ar gyfer	Pwyllgor Archwilio
Rhif adroddiad	FRA/2017/09/09
Dyddiad	18 Medi 2017
Swyddog Arweiniol	Ken Finch - Trysorydd
Swyddog Cyswllt	Sandra Forrest
Pwnc	Rheoli'r Trysorlys a Dangosyddion Darbodus



PWRPAS YR ADRODDIAD

- 1 Mae'n un o ofynion Cod Materion Ariannol CIPFA ar gyfer Cyllid Cyfalaf fod y Dangosyddion Darbodus yn cael eu monitro'n rheolaidd, a bod unrhyw newidiadau sylweddol yn cael eu cymeradwyo. Felly hefyd, dan God Ymarfer CIPFA ar Reoli'r Trysorlys, mae angen i unrhyw newidiadau i bartion i gontract yr Awdurdod gael eu hadrodd i'r Aelodau.

CRYNODEB GWEITHREDOL

- 2 Cafodd y Dangosyddion Darbodus a Strategaeth Rheoli'r Trysorlys ar gyfer 2017-2018 eu cymeradwyo gan yr Awdurdod Tân ac Achub ar 20 Mawrth 2017. Ers iddynt gael eu cymeradwyo, mae'r Dangosyddion Darbodus a amcangyfrifwyd ar gyfer 2017-2018 ymlaen wedi newid.

ARGYMHELLIAD

- 3 Gofynnir i Aelodau gymeradwyo'r Dangosyddion Darbodus diwygiedig a nodir yn Atodiad A.

SYLWADAU GAN Y PWYLLGOR ARCHWILIO

- 4 Cyflwynwyd yr adroddiad hwn i'r Pwyllgor Archwilio ar 11 Medi 2017 er mwyn adolygu cynnwys yr adroddiad cyn ei gyflwyno i'r Awdurdod Tân ac Achub. Nid oedd gan Aelodau'r Pwyllgor Archwilio unrhyw sylwadau pwysig ac nid oeddent yn gallu canfod unrhyw risgiau mawr yn yr adroddiad, a byddent yn argymhell ei fod yn cael ei gymeradwyo gan yr Awdurdod.

GWYBODAETH

Dangosyddion Darbodus 2017-2018

- 5 Mae'r Dangosyddion Darbodus ar gyfer 2017-2018 wedi newid oherwydd bod y gwariant mewn gwirionedd ar y rhaglen gyfalaf ar gyfer 2016-2017 yn llai na'r alldro amcanol. Isod, ceir esboniad o'r hyn y mae pob Dangosydd Darbodus yn ei olygu:

- mae'r Gofyniad Cyllid Cyfalaf yn fesur o'r ddyled tymor hir sydd ei hangen i gefnogi rhaglen gyfalaf yr Awdurdod
 - mae'r Ffin Weithredol yn fesur o uchafswm posib y ddyled allanol, gan ragweld llifiadau arian yn mynd i fyny ac i lawr
 - y Terfyn Awdurdodedig yw amcangyfrif o'r uchafswm y gallai'r Awdurdod ei fenthycu yn seiliedig ar asesiad o ofynion gweithredol a risgiau allanol.
- 6 Mae'r tri dangosydd allweddol hyn wedi newid ar gyfer 2017-2018. Mae gwariant cyfalaf wedi cynyddu'n uwch na'r amcangyfrif gwreiddiol, a hynny oherwydd bod cynlluniau na chwblhawyd yn llwyr yn 2016-2017 yn mynd drosodd i 2017-2018. Mae Atodiad A yn rhestru'r dangosyddion a adroddwyd ym mis Mawrth, ynghyd â'r dangosyddion diwygiedig.

Benthyciadau Newydd

- 7 Ni chymerwyd benthyciadau gan y Bwrdd Benthyciadau Gwaith Cyhoeddus eleni, a phan fo benthyciadau EIP a Blwydd-dal yn aeddfedu mae'r rhain wedi cael eu disodli gan fenthyciadau tymor byr. Erbyn hyn, mae'r Awdurdod wedi cael £19,000,000 mewn benthyciadau tymor byr gan Awdurdodau Lleol. Bu raid cynyddu swm y benthyciadau tymor byr ar gyfer llif arian. Ond o hyn ymlaen, bydd hyn yn cael ei ostwng gan fod y Grant Atodol Pensiynau wedi cael ei dderbyn erbyn hyn felly ni fydd unrhyw fenthyciadau sy'n aeddfedu yn cael eu disodli hyd nes bydd yr arian dros ben wedi cael ei ddefnyddio. Mae'r Awdurdod wedi cymeradwyo 55% o derfyn uchaf i'r portffolio benthyciadau ar gyfer swm y benthyciadau sy'n aeddfedu cyn pen 12 mis. Y sefyllfa bresennol yw bod 53.8% o'r benthyciadau yn aeddfedu cyn pen 12 mis. Mae benthyciadau tymor byr yn cael eu hadnewyddu ar hyn o bryd pan fyddant yn aeddfedu gydag Awdurdodau Lleol, gan ddibynnu ar y cyfraddau llog sydd ar gael ar y pryd. Ar hyn o bryd, mae digon o hylifedd yn y farchnad i adnewyddu neu ddisodli benthyciadau sy'n aeddfedu wrth i Awdurdodau Lleol edrych y tu allan i'r sector bancio i osod arian tymor byr.

Parhion i Contract a Buddsoddiadau

- 8 Roedd y strategaeth fuddsoddi ar gyfer 2017/18, a gafodd ei chymeradwyo gan yr Aelodau ym mis Mawrth, yn cynnwys cymeradwyo'r meini prawf canlynol ar gyfer parhion i contract
- (1) Y Swyddfa Rheoli Dyledion yn y Trysorlys – terfyn £5m
 - (2) Awdurdodau Lleol (ac eithrio y gyfradd wedi ei chapio) – terfyn £2m
 - (3) Pob banc Prydeinig a Gwyddelig a'u his-gwmnïau sydd â chyfraddiad da (Fitch neu debyg). Ar hyn o bryd, diffinnir hyn fel:

Tymor byr	F1
Tymor hir	A
Cyfradd Dichonoldeb	bbb

Terfyn - £5m

Defnyddir banciau sydd â'u cyfraddiad yn disgyn yn is na'r rhai yn y tabl uchod os bydd adnau cyfanwerthol yn dod dan warant y llywodraeth, a'r adnau'n disgyn o fewn telerau'r gwarant.

- (4) Mae gan bob Cymdeithas Adeiladu sydd â chyfraddiad (fel gyda'r sector bancio) derfyn benthycyca sy'n £2m.
- (5) Mae gan Gymdeithasau Adeiladau sydd heb gyfraddiad, ond sydd ag asedau sy'n £1 biliwn neu ragor, derfyn sy'n £2m gyda therfyn amser o 9 mis.

9 Y prif egwyddor sy'n llywodraethu meini prawf buddsoddi'r Awdurdod yw sicrwydd ei fuddsoddiadau. Mae'r ansicrwydd ynghylch teilyngdod credyd ei bartïon i gontract wedi lleihau ac mae ymgynghorwyr ein trysorlys nawr yn argymhell y dylai'r terfyn amser ar gyfer buddsoddiadau fod yn uchafswm o 6 mis. Mae'r arian dros ben sydd i'w fuddsoddi yn uwch na'r hyn y mae'r Awdurdod yn ei ddal fel arfer gan fod y Grant Atodol blynyddol gan Lywodraeth Cymru, at y pensiynau, newydd ddod i law. Mae'r arian dros ben yn cael ei fuddsoddi mewn dau gyfrif galw gyda Barclays a'r Bank of Scotland, sy'n caniatáu mynediad at yr arian ar unwaith. Yn y tymor byr, defnyddir rhywfaint o'r arian parod dros ben i gefnogi'r rhaglen gyfalaf felly pan fydd benthyciadau'n aeddfedu ni threfnir rhai eraill yn eu lle ar unwaith. Dyma'r buddsoddiadau a ddelid ar 29 Awst.

Prifswm £	Cyfradd %	Dyddiad y Benthyciad	Cyfnod	Darparwr y Benthyciad
5,000,000	0.40	Ddim yn berthnasol	Galw	Bank of Scotland
760,000	0.25	Ddim yn berthnasol	Galw	Barclays

Rheoli'r Trysorlys a MiFID II

10 Bydd y ffordd y mae awdurdodau lleol yn gallu cael gafael ar wasanaethau ariannol yn newid yn Ionawr 2018 o ganlyniad i'r ail Gyfarwyddeb Offerynnau Ariannol. Er mwyn i Awdurdodau Lleol gael mynediad at farchnadoedd ariannol, bydd angen iddynt ddal £10 miliwn mewn buddsoddiadau fel y gallant gael eu categorioeddio'n gleient 'proffesiynol'. Os nad ydynt yn cael statws 'proffesiynol', byddant yn methu â delio drwy'r cwmnïau broceru y maent yn eu defnyddio ar hyn o bryd oherwydd byddant yn cael eu categorioeddio fel rhai 'manwerthu'. Nid oes gan yr un o'r prif gwmnïau broceru a chynghori awdurdod i wasanaethu cleientiaid manwerthu, gan gynnwys Arlingclose ymgynghorwyr ein Trysorlys.

- 11 Cytunwyd yn y Pwyllgor Archwilio y dylid anfon llythyr i'r awdurdodau perthnasol yn datgan pryder am y statws arfaethedig 'manwerthu' a fyddai'n cael ei roi i Awdurdod Tân ac Achub Gogledd Cymru.

GOBLYGIADAU

Amcanion Llesiant	Mae'r adroddiad hwn yn cysylltu ag amcanion llesiant tymor hir ATAGC. Sicrhau bod asedau i gefnogi gwasanaethau rheng flaen yn cael eu prynu mewn modd doeth, fforddiadwy a chynaliadwy. Sicrhau bod digon o fuddsoddiad yn y seilwaith i alluogi'r gwasanaeth i ddarparu ymatebion brys a gwaith ataliol ymhell i'r dyfodol.
Cyllideb	Gosodir y gyllideb bob blwyddyn ar gyfer cyllido cyfalaf, a hynny'n unol ag adroddiad y Trysorlys.
Cyfreithiol	Mae'r fframwaith rheoleiddiol wedi'i nodi ym mharagraff 13.
Staffio	Dim
Cydraddoldeb/Hawliau Dynol/Y Gymraeg	Dim
Risgiau	Buddsoddi arian dros ben – mae risg y gallai'r sefydliad ariannol lle mae arian y gwasanaeth yn cael eu buddsoddi fethu gan golli rhan o'r prifswm a fuddsoddwyd. Fodd bynnag, un o ddibenion yr adroddiad yw lleihau'r risg hwn.

DANGOSYDDION DARBODUS

		2017/18 £	2018/19 £	2019/20 £
1	Gwariant Cyfalaf Dangosydd Gwreiddiol Dangosydd Newydd	2,285,000 5,467,436	6,075,000 6,075,000	3,015,000 3,015,000
2	Gofyniad Cyllid Cyfalaf Dangosydd Gwreiddiol Dangosydd Newydd	35,649,000 36,132,417	38,910,000 39,266,618	38,726,000 38,954,902
3	Terfyn Awdurdodedig Dangosydd Gwreiddiol Dangosydd Newydd	37,649,000 38,132,417	40,910,000 41,266,618	40,726,000 40,954,902
4	Ffin Weithredol Dangosydd Gwreiddiol Dangosydd Newydd	35,649,000 36,132,417	38,910,000 39,266,618	38,726,000 38,954,902
5	Cymhareb y Costau Cyllido i'r Llif Refeniw Net Dangosydd Gwreiddiol Dangosydd Newydd	10.23% 9.25%	10.20% 10.21%	11.33% 11.32%
6	Ardrawiad Cynyddrannol y Penderfyniadau Buddsoddi Cyfalaf ar y Cyfraniadau gan yr Awdurdodau Cyfansoddol Dangosydd Gwreiddiol Dangosydd Newydd	29,000 68,000	634,000 716,000	1,116,000 1,198,000